

# O conselleiro de Medio Rural abriu a asemblea de Consellos Reguladores de España

Samuel Juárez dixo que esta xuntanza, na que participanron 35 zonas de produción de España, serve para promocionar a Ribeira Sacra

O conselleiro do Medio Rural, Samuel Juárez Casado, presidiu a inauguración da asemblea da Confederación Española de Consejos Reguladores Vitivinícolas (C.E.C.R.V.), que se celebrou no Centro do Viño da Ribeira Sacra, en Monforte, e na que participaron representantes de 35 denominacións de orixe de toda España.



As reunións de traballo celebráronse no Centro do Viño na Ribeira Sacra en Monforte.

Asistiron a delegada da Xunta en Lugo, Raquel Arias, a directora xeral de Innovación e Industrias Agrarias e Forestais, Alejandra Álvarez de Mon, o alcalde de Monforte, Severino Rodríguez e o presidente do Consello Regulador, José Manuel González. Na súa intervención, o titular de Medio Rural deu a benvinda a Galicia aos participantes neste encontro e

agradeceulles ter escollido a nosa Comunidade como sede, coincidindo coa celebración do Xacobeo 2010. Samuel Juárez destacou ademais o importante papel que desempeñan os consellos reguladores na promoción do viño, así como na regulación e ordenación do sector. Salientou, ao tempo, a calidade dos caldos galegos e españois en xeral,

posible en gran medida, segundo dixo, polo labor que desenvolven as denominacións de orixe. Das 50 denominacións de orixe adheridas a esta Confederación participaron na asemblea un total de 35, que supoñen preto do 90% da produción vinícola que goza deste marchamo de calidade en España. A xuntanza dos consellos reguladores ten por





O alcalde de Monforte, Severino Rodríguez, recibiu ás autoridades.



Representantes dos consellos reguladores na inauguración da assemblea.



Os asistentes fixeron viaxes turísticos por estrada e polo río Sil.

obxectivo analizar a situación actual e as perspectivas de futuro do sector vitivinícola español, e serve tamén para dar a coñecer a denominación de orixe anfitriona, neste caso a da Ribeira Sacra. Os asistentes compatibilizaron as sesións de traballo con visitas turísticas pola zona, unha viaxe en catamarán polo río Sil e un desprazamento a Santiago donde mantiveron un encontro co presidente da Xunta. Alberto Núñez Feijóo, indicou que os viños "son testemuñas e protagonistas da transformación social e económica que experimenta Galicia", e se teñen convertido "nun dos principais piares da nosa industria" e "embaixadores desta terra". "O viño viaxa con nós na apaixonante transformación das comunidades autónomas, de Galicia, durante os últimos anos", dixo. Feijóo referiuse a Galicia como "unha terra que sempre soubo honrar as súas vides e que se sente orgullosa de pertencer ao país con máis superficie de viñado do mundo". "Os españois somos diversos nas nosas culturas e os nosos viños, pero somos quen, tamén, de converter a pluralidade en fortaleza, como amosa a traxectoria dos consellos reguladores", enfatizou. Considerou que o viño tamén "cuestiona o tópico recorrente do individualismo galego", polo cooperativismo dunha industria que "completa a tradición familiar con modernas estratexias de mercado" e reflicte o seu presente que está "á vista de todos", observou. Un presente, engadiu, produto dos méritos dos profesionais do sector e ao que a Xunta "está a contribuír". Lembrou medidas adoptadas en defensa dos viños galegos, como a resolución aprobada no Congreso que ampara ao albariño; ou as axudas á internacionalización no marco da nova OCM e o impulso á innovación. Sempre, contando cunha colaboración "constante" dos consellos reguladores.